

Wer von werffen/schlagen/fallen oder stossen verlegt were/deme soll man vber den beschädigten Ort ein rein leinlin Tüchlein/so in diesem Oleo genezet sey/legen/so trüefnet vnd heilet/s stärker vnd bekräftiget auch das weisse Geäder: Wann es in bequemen Arzneyen mit eingemengert/so treibet solche zu schnellerer stärker Wirkung.

Ein Balsam der fürnehmlich gebraucht wird / daß er die Narben vnd Wähler der Wunden vnd Schäden benimpt/ vnd solche der andern Haut gleich machet.

Nim Myrrhen/Storacis Galamitæ, Aloes, jedes ein Unz/Mumia vnd Lorberen jegliches eine halbe Unz/Storacis liquidæ zwei Unzen: was zu stossen ist fein gröblich pulverisirt/vnd dasselbige mit dem Storace liquido vermischt (etwas guter reinen Aschen mit darzu gemengert/ist sehr bequem) hernach per Retortam in cinere fein mehlich immer zu gradatim destillirt, so bekomst du ein zartes öl/welches du auch nach deinem gefallen mit gnugsamen Wasser per Alembicum rectificiren kanst/so wirds desto reiner/klärer vnd subtiler/solches soll man vber gedachte Wähler vnd Narben streichen

Ein Balsam Theophrasti Paracelsi, den er Galbanitum genandt/vertreibt die fallende Sucht/stärket das Gehirn/Gedächtnuß vnd weisse Geäder / wunderbarlich/bringet das Gehör vnd den verlohrenen Geruch widerumb stärket die erstarrten vnd lahmen Glieder/bringet sie zu rechte/daß sie widerumb gangbar werden:

Er muß in vnd vber solche örter gestrichen vnd geschmitet werden.

Nim Galbanum ein halb Pfund/Ephew Summi 6. Loth. zerstoß jedes besonder / vermischt es zusammen/vnd destillir secundum artem per Retortam in arenam. In das was herüber getrieben/vermische weiter schönes reinen lautern Terpentins ein Pfund/Loth: vnd Spicköl jedes zwey Loth / vnd destillir es abermal per Retortam, so hastu solchen Balsam bereit.

Noch ein ander Theophrastischer Balsam contra Podagram vnd Lähme der Glieder.

Nim Galbani zwey Pfund/Opoponacis ein Pfund/Sagapeni ein halb Pfund / Ammoniack acht Loth/Bdellium zehn Loth/mische es vntereinander/zerreibs in Essig/sethe es durch/vnd destillir es per Retortam. In das was sich nun herüber gedestillirt hat/vermische weiter Olei de Lateribus, oder Ziegelöl ein halb Pfund/Terpentindöl drey Pfund/gedestillirt Loröl ein Pfund/Mastix vnd Benrauch gepulverisirt/jegliches ein halb Pfund/Myrrhen gepulverisirt ein Pfund /destillir widerumb secundum artem, so lange es gehen will. In das herüber gestiegene vermische fermer diese Composition: Nim Menschen oder Dachschmalz ein Pfund/oder beydes ein halb Pfund / Storacis Liquidæ drey Loth/zwangig grüne Laubfrösche fein klein zerhackt/vermenge es vntereinander/geuß darüber gedestillirtes Essigs vnd spiritus Vini gleicher viele so viel genug ist/lasse es etliche Tage an warmer stette mit einander digeriren,druckts darnach durch ein härin Tuch/vnd thue es/wie gesage /zu dem destillato, lasse es auch auff gar gelinder wärme eine zeitlang in digestionem stehen/so ist es fertig.

F I N I S,

Regio